



МЕСЯЦА ОКТЯБРЯ В 26-Й ДЕНЬ

**Святаго великомученика Димитрія Миротóчца
и воспоминание великаго и страшнаго трясéния**

Аще хочет настоятель, творит бдение.

НА МАЛОЙ ВЕЧЕРНИ

Стихиры на 4, глас 1:

Подобен: **Небесных чинóв:**

Иже основания всея земли колебáяй Бог,/ стрясáяй Един морскóе ложе,/ яко Создатель всех/ избави ны праведнаго гнева трясéния/ Твоим милосердием, Человеколюбче,/ присно умоляем.

Фессалоника ликúет о памяти твоей/ и созывает вся окрестныя грады,/ Димитрие треблаженне,/ совершити твое светоносное торжество./ С нимиже, сошедшеся, и мы/ пёсенно похваляем подвиги твоя.

Приидите, вёрнии, сошедшеся,/ похвáлим Христова ору́жника/ и дóбляго светильника Димитрия,/ все вражие насилие поправша,/ сему вопиюще верою:/ о нас Христу, мучениче, моли́ся.

Слава, глас 6:

Днесь вселенная вся страстони́сца просвещается зарями/ и Божия Церковь, цветы украшаема, Димитрие, вопиёт ти:/ угодниче Христов и предстателю теплэйший,/ не престай моли́ти о рабёх твоих.

И ныне, Богородичен: Богородице, Ты еси лозá:

На стиховне стихиры, глас 2.

Подобен: ДOME Евфрафов:

Имамы ты многих / дáтеля даровáний, / угодниче Господень, / исполняеши бо прошения, / яже и́мамы всегда.

Стих: Праведник, яко финикс, процветёт, / яко кедр, иже в Ливáне, умно́жится.

Пéния сладкая, / страстéй похвалéния, / благодатей воздáния, / предложéния, блаженне, / приими́, Димитрие.

Стих: Насаждéни в домú Господни, / во двóрех Бога нашего процветúт.

Добрóта страдáльцев, / благолепие мучеников, / благоверных хранителю, / приими́ ныне похвалú / любовьию славящих ты.

Слава, и ныне, Богородичен, глас тойже:

Дéло Боголепно: / Дева по рождестве, / Рождéнное — Бог Слово, / человекó естество́ имея / и являя вещественная.

Тропарь, глас 3:

Вели́ка обрéте в бедáх / ты поборника вселенная, / страсотерпче, / язýки побеждающа. / Якоже убо Лиеву низложил еси гордыню, / и на пóдвиг дерзновенна сотворив Нестора, / тáко, святе Димитрие, / Христу Богу молися / даровати нам велию милость.

Слава, и ныне, трясéния, глас 8:

Призира́яй на землю и творяй ю трястísя, / избави ны страшнаго трýса прещéния, Христе Боже наш, / и низпосли́ нам богатыя милости Твоя молитвами Богородицы, и спаси́ ны.

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, воззвах: стихиры на 8, глас 2:

Подобен: Егда от Древа:

Свéтиши отечеству твоему всегда, славный Димитрие мучениче, / якоже звезда светлая, / покрываеши бо присно сие от па́губы врагов / и избавляеши озлобления и бúри всякия; / темже радостно приносит, летнюю память, блаженне, совершая, / верою же и любовьию поя Господа, ты прославльшаго.

Мучениче страстотѣрпче Христов, / чудесы свѣтиши миру, / якоже солнце, свѣте Димитрие. / Темже в памяти твоей наслаждаемся вси твоих чудес, блаженне, / изрядная торжествующе верою. / Дерзновение убо имея, / молися ко Господу спасти от тли и скорбей рабы твоя.

Копиями прободен в ребра, / прободшаго ради Спаса на Кресте ребра; / Того бо уязвлением / любовью поревновал еси, страстотерпче Димитрие, / являя всем непобедимое свидетельства твоего. / Темже и уязвлен гонитель низпадѣ, / прием твоего искуса исповѣдания, страдальче Христов.

Ины стихиры, глас 8.

Подобен: О, преславнаго чудесѣ!

О, преславнаго чудесѣ! / на Небесы и на земли радость / днесь в памяти возсия Димитрия мученика. / От Ангел хвалами венчается / и от человек пеня приемлет. / О, како пострада! / Како добре подвизася! / Имже враг падѣ лукавый, / Христу побѣждшу того.

О, преславнаго чудесѣ! / чудес светлостью, солнца светлейше, / присно Димитрий свѣтит концем, / от невечернаго Света облистаемый / и в незаходимем Свете красуясь. / Егоже сияньми облацы отгнани быша варварстии, / недужи прогнашася / и демони победшася.

О, преславнаго чудесѣ! / Христа ради прободен треблаженный Димитрий, / ко врагом всегда явися оружие обоюдоострое, / пожиная врагов вышениа / и низлагая демонская сверепства. / Емуже возопим: / святыи Димитрие, покрый ны, / верно почитающия тя от любве всегда.

Слава, глас 6. Византиево:

Днесь созывает нас страстотерпца всемирное торжество. / Приидите убо, празднлюбцы, / светло празднуим память его, глаголюще: / радуйся, иже ризу нечестия раздрав верою, / мужеством же духа себе обложив. / Радуйся, упразднивый кознодейства чуждаго, / крепостию, данною тебе от Единого Бога. / Радуйся, иже прободенными удесы / блаженную страсть Христову духовне нам возживописав. / Егоже моли, страдальцев

удобрение Димитрие, / избавитися нам видимых и невидимых враг / и спастися душам нашим.

И ныне, Богородичен: Кто Тебе не ублажит:
Вход. Прокимен дне.

Пророчества Исаиина чтение (главы 63, 64):

Обратися от небесé, Господи, и виждь от дому святаго Твоего и славы Твоея: / где есть ревность Твоя и крепость Твоя? / Где есть множество милости Твоея и щедрот Твоих, яко терпел еси нам, Господи? / Ты бо еси Отец наш, яко Авраам не увéде нас, и Израиль не познá нас, / но Ты, Господи, Отец наш, избави ны, яко изначáла Имя Твое на нас есть. / Почтó уклонил еси нас, Господи, заблудити от пути Твоего? / Ожесточил еси сердца наша, еже не бояться Тебé? / Обратися раб Твоих рáди, племён рáди наследия Твоего. / Да помáле наследством гóру святую Твою. / Противницы наши попрáша святыню Твою. Быхом яко от начала, егда не владел еси нами, ниже назвáся Имя Твое на нас. / Аще отверзеши небо, трéпет приимут от Тебе гóры и растáются, яко воск от лица огня тáет. / И попалит огонь супостаты Твоя, и явлено будет Имя Твое противным Твоим. / От лица Твоего язбыцы возмáтутся. Егда сотвориши славная, трéпет приимут от Тебе гóры. / От века не слышахом, ниже очи наши видеша Бога, разве Тебе, и делá Твоя истинна, и сотвориши терпящим Тя милость. / Срящет бо милость творящая правду, и пути Твои помянут. / И ныне, Господи, Отец наш Ты еси, мы же брénие; и Ты Создатель наш, и делá рук Твоих вси мы. / Не прогневайся на ны, Господи, зелó, и да не помянеши во время грехов наших; / и ныне призри, Господи, яко людие Твои вси мы.

Пророчества Иеремиина чтение (глава 2):

Сия глаголет Господь: / помянух милость юности твоя и любовь совершенства твоего, еже последовати тебе Святому Израилеву; / глаголет Господь Святой Израилев: / Господу начаток рождений его, вси снедающие его прегрешат, злая приидут на тья; / глаголет Господь: услышите слово Господне, доме Иаковль и все отечество дóму Израилева. / Сия глаголет Господь: кое

обретóша отцы ваши во Мне прегрешение, / яко отступíша далече от Мене, и ходíша в след суётных и осуетíшася. / И не рекóша; где есть Господь, возведый нас из земли египетския / и путеволивый нас в пустыни, в земли сухой и нехóдней, в земли безводней и неплодней, / и в сени смертной, в земли, по нейже не прóйде когда муж, ниже вселися сын человекъ тамо. / И возведох вы на Кармíл, еже ясти вам плоды его и благая его; и внидо́сте и оскверни́сте землю Мою и наследие Мое положите в мерзость. / Иере́е не рéша: где есть Господь; и держащиися закона не вéдеша Мя; / и пастырие нечéствоваху в Мя; и пророцы прорóчествоваху Ваáлом и в след неполéзных ходíша. / Сего ра́ди еще возсуждýся к вам, глаголет Господь, и к сынóм сынóв ваших возсуждýся. Прейдíte во óстрова Хетти́м, и увидите, и в Кидáр послíte, и уразумейте вельми, и увидите, аще б́яху таковыя. / Аще изменят язы́цы бóги своя, и сии не суть бóзи. Люди́е же Мои пременя́ша славу его, от неяже не примут пользы. / Ужасéся небо о сем и вострепéтá на мно́зе зело́, / глаголет Господь.

Премудрости Соломоновы чтение (глава 4):

Праведник, аще постигнет скончатися: (зри страницу 792).

На литии стихира храма и святаго стихире самогласны, глас 1. Георгия Сикелиота:

Веселися в Господе, граде Фессалони́ки, / радуйся и ликуй верою светлооде́явся, / Димитрия всеславнаго страдальца / и свидетеля Истины в нédрах имея, яко сокровище; / наслади́ся чудес, исцеления зря, / и виждь низлагáюща иноплемéнников дерзости, / и благодарно Спасу возопий: / Господи, слава Тебе.

Анатолия:

Пéсней красотóю настоящий уясним день / и возгласим мученика подвиги, / предлежит бо нам во благохвалéние великий Димитрий. / Ибо дёмонская находения мýжески погубив, к трéзнице усердно при́йде, / и победительная славно отнёс, / Спасу мо́лится спастися душáм нашим.

Глас 2. Германово:

В премирная селения дух твой, Димитрие мучениче мудре, / Христос Бог положи непорочно, / ты бо Троицы был еси поборник / и в тризнице мужески пострадал еси, яко адамánt твёрдый, / прободён же быв в ребра нетленная твоя, всечестне, / подобяся на Древе Прободённому на спасение всего мира, / чудес приял еси действо, человеком подаёя исцеления обильно. / Темже твое днесь успение празднуем по достойнию, / славяще тя прославльшаго Господа.

Слава, глас 5:

Подобен: Воstrубим:

Стецёмся верою и любовию, / возопийм празднственная и восплещем руками вси / в настоящее торжество первоначальника нашего, / воинства Небесная да веселятся, / и прободшагося за Прободённого копием Царя Господа, / и гордыню Лиёву низложившаго дерзостне. / Да чудятся земля же и море / светлаго светильника преславным знамением. / По долгу да восхвалят юнии юности обуздателя, / в старости жезл, в бедах предстателя, / нищии обогатителя, во благошествии строителя, / споборника воини / и в пучине сплавателя, / со всеми своего твёрдаго поборника, граде Фессалоники, / молящеся сйце, рцем: / преславне Димитрие, предвари и изми ны от всякия нуды / и спаси рабы твоя молитвами твоими.

И ныне, Богородичен, глас тойже.

Творение Германа Патриарха:

Воstrубим трубою пёсней, / преклоншися бо свыше, Всецарица Мати Дева / благословёными венчаёт воспевающия Ю. / Вернии людие да стекутся, / и Царице да восплещут в песнех, Царя рождшей, / смертью одержимыя перве разрешити человеколюбно Благоволившаго. / Пастырие и учителя, / добраго Пастыря, Пречистую Матерь, сошедшеся, восхвалим: / свещник златозарный, светоносный облак, / небес Пространнейшую, / одушевлённый кивот, огнезрачный Владычень Престол, / манноприёмную златую стамну, / заключённую Слова дверь, / всех

христиан прибѣжище./ Пѣсньми Богоглаголивymi похваляюще, сѣце рцем:/ Палáто Слова, сподóби смиренныя ны Небѣснаго Царствiя,/ ничтó же бо невозможно ходáтайству Твоему.

На стиховне стихиры самогласны, трясѣния, глас 2.

Симеона Дивногорца:

Землѣ смущáемей гнева Твоего страхом,/ хóлми и гóры трясóтся, Господи,/ но благоутрóбия óком на ны призрѣв,/ не яростию Твоею прогнѣвайся на ны,/ но умилосѣрдився на делá рук Твоих,/ страшнаго ны прещѣния трóса свободѣ,/ яко Благ и Человеколюбец.

Стих, глас 6: Призира́яй на землю / и творяй ю трястѣся.

Стра́шен еси, Господи,/ и кто стерпит праведнаго Твоего гнева,/ или кто Тя умо́лит, или кто укротѣт, Благий,/ о лю́дех согрѣшивших и отча́явшихся? Небеснии чѣни, Ангели, Нача́ла и Вла́сти,/ Престо́ли, Господства, Херувими и Серафими / о нас Тебе вопи́ют:/ Свят, Свят, Свят еси, Господи,/ дел рук Твоих не прѣзри, Блаже,/ за утробы милости спасѣ град бѣдствующий.

Стих: Стрясл еси землю / и смутѣл еси ю.

Ниневѣтяне согрѣшений ра́ди / трóсом прещѣния погѣбель слѣсшаху,/ в средственном же знáмении кѣта,/ чрез востáние Ионы, покаяние умоляет./ Но яко óныя вопль лю́дей Твоих со младенцы и скоты́, ущѣдрив, прия́л еси,/ и нас, наказóуемая,/ триднѣвнаго ра́ди Востáния поща́дѣ и помилуй.

Слава, глас 8. Анатолия:

Имеет убо Божественнейшая твоя душа́ и непорóчная,/ приснопáмятне Димитрие,/ Небесный Иерусалим жили́ще,/ егоже стѣны пречистыма рука́ма Невидимаго Бога живописа́шася./ И́мать же всечестно́е, и многострада́льнейшее твое тело / преизрáдный сей храм на земли,/ сокрóвище некра́домое чудес и недóгов врачевствó,/ идѣже притека́юще, цельбы́ почерпа́ем./ Соблюди́, всехвальне, тя велича́ющий град / от противных приражѣний,/ дерзновѣние я́ко имѣя ко Христу, ты прославльшему.

И ныне, Богородичен: Безвестная Дево:

На благословении хлёбов: тропарь Димитрия дважды и Богородице Дево: единожды.

НА УТРЕНИ

На Бог Господь: тропарь трясения, дважды.

Слава, Димитрия, И ныне, трясения.

По 1-м стихословии седален, глас 4.

Подобен: Явился еси днесь:

Димитрия днесь страсотёрпца / праздник совершаём благочестивомудренно, / яко Христу непрестанно молящася / всем дати мир и милость.

Слава, и ныне, Богородичен:

Теплое заступление сущим в бедях / и Помощницу нашу, и к Богу пременение, / Еюже тли избавихомся, / Богородицу вернии ублажаем.

По 2-м стихословии седален, глас 4.

Подобен: Скоро предвари:

Память твоя, славне мучениче Димитрие, / уясни днесь Церковь Христову / и вся собра песньми достойно восхвалити тя, Богомудре, / яко истинно воина и врагов потребителя. / Темже мольбами твоими избави ны от искушений.

Слава, и ныне, Богородичен:

Поём Тя, Богоневесто, Мати Христа Бога, / славяще Рождество Твое непостижное, / имже избавихомся от лести диаволи и всяческих бед, Владычице Богородице, / и верно взываем: / помилуй стадо Твое, Едина Всепетая.

По полиелеи седален, глас 8.

Подобен: Премудрости:

Сияния чудес, яко лучи, облистаеши / и вся просвещаеши мира концы, яко звезда пресветлая, / и весело благовонствуеши, якоже другий рай, / и души веселиши, и уставляеши недуги: / темже ты, всеблаженне, по долгу поём / и любовию почитаем честную память твою, страсотерпче Димитрие, / моли Христа Бога согрешений оставление / даровати чтущим любовию святую память твою.

Слава, и ныне, Богородичен:

Яко Деву и Едину в женах, / Тя, безсеменно рождшую Бога плотию, / вси блажим роди человечести. / Огнь бо вселися в Тя Божества /

и, яко Младенца, дойши Зиждителя и Господа./ Тем, Ангельский и человеческий род,/ достойно славим пресвятѣе Рождество Твое и согласно вопием Ти:/ моли Христа Бога согрешений оставление даровати/ поклоняющимся верою пресвятому Рождеству Твоему.

Степенна, 1-й антифон 4-го гласа. Прокимен, глас 4: Дивен Бог во святых Своих, Бог Израилев. Стих: Святым, иже суть на земли Его: Всякое дыхание: Евангелие Матфея, зачало 36.

По 50-м псалме стихира, глас 6:

Днесь созывает нас страсотерпца всемирное торжество./ Приидите убо, празднлюбцы,/ светло празднуим память его, глаголюще:/ радуйся, ризу нечестия раздрав верою,/ мужеством же духа себе обложив./ Радуйся, упразднённый кознодейства чуждаго,/ крепостию данною тебе от Единого Бога./ Радуйся, иже прободёнными удесы/ блаженную страсть Христову духовне нам возживописав./ Егоже моли, страдальцев удобрение Димитрие,/ избавитися нам видимых и невидимых враг/ и спастися душам нашим.

Канон трясения, со ирмосом на 6, глас 6.

Егоже краегранёсие: О Христе, земли колебание устави вскоре. Иосиф.

Песнь 1

Ирмос: Яко по сѹху пешешествовав Израиль,/ по бѣдне стопами,/ гонителя фараона/ видя потопляема,/ Богу победную песнь, поим, вопияше.

Яко страшен гнев Твой,/ от негоже нас избавил еси, Господи,/ не погрѣб в земли все движение наше./ Тем благодарственно Тя присно славим.

Радуюся нашему всегда всеконечному исправлению, Владыко,/ якоже лист худ, колѣблещи всю землю,/ в страх Твой верныя утверждая, Господи.

Избави труса тяжчайшаго вся ны/ и не даждь, Господи, погибнути всеконечно наслѣдию Твоему,/ многими прогнѣвавшему злыми Твое долготерпение.

Богородичен:

Рабски Тебе вопиём,/ Мати Божия, обычныя милости Твоя на град и люди милостивно

показу́ючи,/ тру́са тяжча́йшаго и тли нас измени.

И святаго два канона, на 8.

Первый канон, глас 4, егоже краегранэсие: Добропобѣдному приглаголю Димитрию. Феофаново.

Песнь 1

Ирмос: Моря чермную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил есть.

Божественным мучения венцем увязен, / при Бозе ликуеши, / блистании отонудными сияя и просвещения исполняем, / великомучениче досточудне.

Яко суща Истины свидетеля, / и даже до крове подвигшася, блаженне, терпеливно; / твердо же противление к мучителем показавша, / тя Владыка прият.

Злобы обретателя низложил еси на землю, Димитрие, / мученическим твоим копием убив, / Божественною благодатью, паче ума силою, на сие, блаженне, укрепляем.

Богородичен:

Безматерен якоже Бог первее Сый, / бысть еже по нам Безотчий из Тебе, Богородице Всепетая, / плоть прием по единению, / еже паче слова и разума.

Другий канон, глас 8.

Егоже краегранэсие: Мира чествую благодать Димитрия. Георгий Скилица.

Песнь 1

Ирмос: Колесницегонителя фараона погрузи, / чудотвори иногда, / Моисейский жезл, крестообразно поразив / и разделив море, / Израиля же беглеца, пешеходца, спасе, / песнь Богови воспевающа.

Мира благовонна и честна, Димитрие, / отверженный источнике, / страстей скверны сердце мое омий / и, добродетелей деянием благовоние мя показав Христово, / ум мой облагодатстви, / благодати твоя Божественныя пети.

Воды живыя реки / истекати от чрева верных, / Слово Божие глаголет. / Темже твоего проливаются мира источницы приснотекущи, / ихже струи веселят Божий град, / славящий мученическое дерзновение твое.

Жезл убо дрéвле Моисеев, / удáрив каменъ в
земли́ пустынной, / отвéрзе струи́ рек
многотéчныя; / тело же твое, Димитрие, пробо-
дénное копíем, / мира источник показá, / новаго
Израиля прохладя́ющее.

Яже убо íмаши воздая́ния, Димитрие, / муче-
нических твоихъ язв, / ниже́ око ви́де, ниже́ ухо
слы́ша; / ныне же мира море, воздая́ния чистоты́
проливаеши мира концем, / страсти душ очи-
щающее.

Богородичен:

Пренесквэрно приятелище, Всечистая, / Слово
обрéт Тя Божие, / в Твоя всели́ся ложесна́: / и еже
из Тебе прíятие помáзав Своимъ Божествóм, /
Един прóйде от двою́, / и истощénное миро
наречéся, / Христос бо Бог же и Человек.

Катавасия: Отвэ́рзу уста моя:

Песнь 3

Ирмос: Нестъ свят, / якоже Ты, Господи, Боже мой, /
вознесы́й рогъ верныхъ Твоихъ, Блаже, / и утверды́вый нас
на ка́мени / исповéдания Твоего.

Земля уязвля́ется, нам зле залежа́щим, / и
присно гневъ Твой сподвиза́ющим на ны, Щедре
Всецарю́, / но пощади́, Владыко, рабы́ Твоя.

Стряс, Господи, землю, утверды́л еси па́ки, /
наказу́я и обраща́я нéмощь нашу, / утвержда́тися
Твоимъ Божественнымъ страхомъ хотя́, Преблагий.

Рождшаго смерть горькую, / и тру́сы тяжча́й-
шая, и я́звы нестерпíмыя, / грехá, братие,
убежимъ / и Богу покая́ния о́бразы угоды́м.

Богородичен:

Еди́на сущи́и Блага́я, / Преблагóе Слово умоли́
приле́жно, / настоящаго тру́са всемъ избавитися и
гнева, / Богородице Чистая, мо́лимся.

Ин

Ирмос: Веселíтся о Тебе Церковь Твоя, Христе,
зову́щи: / Ты моя крепость, Господи, / и прибéжище, и
утверждение.

Вмени́ся в ничтоже мучителейъ от тебе
повеление; / Слово бо Божие па́че всехъ,
страстотерпче, / предчество́вал еси́.

Свещникъ светови́ден мучéния в ски́нии былъ

еси, / Божественным Светом сияющ, / мучениче
страстотерпче Димитрие.

Врачеваний ты источник священный и
дивный, / град твой и сокровище некрадомо
стяжав, / всяким веселием обогатися.

Богородичен:

Врачуя образ истлевший земных, Пречистая, /
сим из Тебе облачится, / пребыв якоже бе Чело-
веколюбец.

Ин

Ирмос: Небеснаго круга Верхотворче Господи, / и
Церкве Зиждителю, / Ты мене утверди в любви Твоей, /
желаний краю, верных утверждение, / Едине Человеко-
любче.

Родився с Небес от Бога, / был еси Божествен-
ных благ наследник, / сын нарицаемь, снаследник
Христов, / царствуеши же с Ним, / миро бо образ
сего, Димитрие.

Вкоренився, якоже древо Давидски, славне, /
при исходищих вод, / велик воздал еси мучения
плод и ныне источник показался еси мира, /
проходящ, земли концы.

Почерп благодать Христову, / ребра с Кровию
источившаго воду, / кровь излиыл еси твою, Его
ради прободся; / и ныне, яко воду, проливаеши
сердцам благовонное миро, Димитрие.

Богородичен:

Священнии Твои сосуди душевнии,
Пречистая, / полны аромат и мира Божественна-
го Духа, нашедшаго на Тя, / ибо Бога рождши,
верныя изменила еси от зловония страстей.

Кондак трясения, глас 6.

Подобен: Еже о нас:

Избави труса тяжкаго всех нас, Господи, / и
язвы нестерпимыя грех ради наших. / Пощади,
Господи, Православныя люди Твоя, / яже стяжал
еси Твоею Кровию, Владыко; / и град не пре-
даждь в погибель трусом страшным, / иного бо,
разве Тебе, Бога не вемы. / И воззови поющим: /
Аз есмь с вами, и никтоже на вы.

Седален мученика, глас 4.

Подобен: Удивися Иосиф:

Яко долблему страдальцу / и воину крепку

Всецарюющаго Христа, / взываем псаломски: / радуйся, мучеников украшение и лепота; / радуйся, светлая Церкве звездó / и стенó, и пристанище прибегающих к тебе, / великомучениче славне Димитрие, / тя поющия спасай / от всякаго вреда чуждаго и озлобления вся.

Слава, и ныне, трясения, глас тойже.

Подобен: Вознесыйся:

Согрешившия Тебе много не презрел еси, / но, наказав, милостивно исправил еси; / Божественным призиранием Твоим потряс землю, Владыко Долготерпеливе, / никакоже повредив вся рабы Твоя за милосердие многое. / Тем благодарственными Тя гласы славословим / и со страхом славим.

Песнь 4

Ирмос: Христос моя сила, / Бог и Господь, / Честная Церковь / боголепно поет, взываючи, / от смысла чиста, о Господе празднующи.

Колéблеши, Господи, землю, / хотяй страхом истинным всем нам, Владыко, утверждáтися, / колéблемым прилоги льстиваго борца.

Божественным мановением Твоим колéблеши всяческая / и ужасаеши сердца на земли живущих, Владыко; / праведнаго убо Твоего гнева ослаби, Господи, волны.

Никакоже имущия во уме страха Твоего, / устрашаеши движанием всея земли, Едине Милостиве, / но обычно на нас милости Твоя удивí.

Богородичен:

Храм Тя, Владычице, Божий ведяще, / во святем храме Твоем руки умилныя подносим на моление; / виждь озлобление наше и подаждь помощь.

Ин

Ирмос: Вознесена Ты видевши Церковь на Кресте, / Солнце Праведное, / ста в чине своем, / достойно взываючи: / слава силе Твоей, Господи.

Победившаго лжу нечестия, / Божие Всевысочайшее видев Слово, / славою венча ты, Димитрие, поюща: / слава силе Твоей, Господи.

На леств победу возставив, / победительный
венец правды приял еси, Димитрие, / зовя Зижди-
телю твоему: / слава силе Твоей, Господи.

Направляем дланию жизнóсною, / к приста-
нищем достигл еси тишайшим, / идеже, ныне
радуясь, зовещи, Димитрие: / слава силе Твоей,
Господи.

Богородичен:

Яко тварей всех Священнейшая, / Мати Бога
быти Едина сподобилася еси, / Сего бо рождши, /
мир благодатию Богознания просветила еси.

Ин

Ирмос: Ты моя крепость, Господи, / Ты моя и сила, / Ты
мой Бог, Ты мое радование, / не оставль недра Отча, / и
нашу нищету посетив. / Тем с пророком Аввакумом зову
Ти: / силе Твоей слава, Человеколюбче.

Скверну всяку отверг рождения банею
порождения, / чистоту, явился еси, соблюдая да-
же до кончины. / Темже Христос тебе, Димитрие, /
естественную влагу претворяет в миро, / якоже и
воду в вино преложил.

Якоже огня естество всему преподаётся, / целу
спасающ силу; / тако твое миро, страдальче,
всеми убо почерпается, / обаче же пребывает
неумалено. / Темже ныне благочествующии, по-
кланяющиеся, поем Бога, / Иже благодать тебе
даде.

Кто слышаны Твоя хвалы сотворит, Христе
Слове, / видя Твоя благодати, яже страдальцем
Твоим подал еси; / Димитрия бо се миро
мученика, / яко источник, убо истекает, / благово-
ние же дышет и разоряет зол омрачение.

Напаяше убо источник, от земли
восходящий, / первее, неже одождити все сея
лице, / ты же сокрывся, мучениче, под землю, /
источник явился еси благовонна мира,
Димитрие; / копий бо множество отверзоша
жилы / и ныне мира напоиши концы.

Богородичен:

Невесту Божию Тя и Матерь вемы,
Богородице, / Тебе бо, яко миродохновенный ши-
пок, обрет Слово Божие, цветущ во удоле сми-
реннем человечестве, / возжелé Твоея доброты, /

из Тебе Плотно́сец прошел, верныя облаговонствоваше.

Песнь 5

Ирмос: Божиим светом Твоим, Блаже, / утренюющих Ти души любовью озари, молюся, / Тя ведети, Слове Божий, / Истиннаго Бога, / от мрака греховнаго взывающа.

И ты, сердце, поколѣблися ныне, / видя Божие прещение належащее, и возопий: / пощади люди Твоя, Владыко Господи, / и устави праведный гнев Твой, Благоутробне.

Люди и град, яже Твоею кровию стяжал еси, Иисусе, / не предаждь в погибель, / во еже смущатися земли трусом страшным, / лик апостол мо́лит Тя.

От путей Твоих, Владыко, правых / нравом уклоншеся развращенным, / в негодование предложихом Тя, Милостиваго и Непамязозлобнаго, / но милостив и щедр буди Твоим рабѡм.

Богородичен:

Ныне помощи прииде время, / ныне пременению потреба, Чистая, / к Сыну Твоему и Господу, / яко да ущедрит согрѣшшия ны / и належащаго гнева избавит.

Ин

Ирмос: Ты, Господи, мой / свет в мир пришел еси, / Свет Святыи, обращаи из мрачна невѣдения / верою воспеваящия Тя.

Огнь любви Божественныя в сердца приѣм, / огнь угасил еси безбожнаго идолонейства, / славне Димитрие.

Избавляя ны от бед, явися, Димитрие, / молитвами твоими покрывая / верою и любовью восхваляющия тя.

Иже верою к твоему усердно притекающе храму, Димитрие, / недугов и страстей душегубительных / вскоре избавляются.

Богородичен:

Слово Божие, Отцу Единосущное, / Твой бывает, Богомати, паче ума же и слова, Сын, / Тебе Единосущен.

Ин

Ирмос: Вскую мя отринул еси / от лица Твоего, Свете незаходимый, / и покрыла мя есть чуждая тьма,

окаяннаго;/ но обрати мя и к свету заповедей Твоих/
пути моя напра́ви, молюся.

**Был еси приятелище с Небес Снизшедшаго за
милость,/ якоже дождя́ или капли, каплющая
крѳтко,/ упои́л еси та́инственными дарованиями / и
ныне из гроба мира источник то́чиши, Димитрие.**

**Страдальцем, якоже закон, всякия мирскія
обнажився любви,/ упита́лся еси, мучениче, еле-
ем благодатей Духа./ Победив же тьмы нача́ла,
мзду прия́л еси то́чити миро сладковѳнное, Ди-
митрие.**

**Шипок явился еси, процветы́й внутрь злачни-
ка́ Господня, Димитрие,/ обагрѳн кровию муче-
ния и ранами сечѳний,/ и болезнями страдальче-
скими, и разжжением пѳци,/ и ныне миро исто-
чаеши приснотеку́щее.**

**Се па́ки зрится Божественный ковчег храм
мученика,/ идеже свѳчник внутрь, гроб, нося́й
миро и елей,/ егоже ѳкрест възгра́им духовно,/ и,
ликующе, восхва́лим великаго Димитрия.**

**Новый якоже Илия, ревностию уязвлен Хри-
стовы любве,/ царя обличаеши и тебе самага
предаеши на смерть./ Обаче живѳши, и еще мира
источник показав гроб,/ якоже скудѳльник елея
неисто́щен.**

Богородичен:

**Напису́ет Твое, Дево, дрѳвле та́инство,/ по́я
пра́отец Твой,/ Царѳвы Дщѳре слава вся
внутри́ду,/ иже и Тя прославив, яко Блаженную
человеком./ Радуйся, мира всего воззвание.**

Песнь 6

**Ирмос: Житейское море,/ воздвигаемое зря напáстей
бурею,/ к тихому пристанищу Твоему прите́к, вопи́ю Ти:/
возведи от тли живот мой,/ Многомилостиве.**

**Не иму́ще, Владыко,/ дерзновения молитися,
смирении, высотѳ Твоей,/ избранныя Ангелы
Твоя в теплую подви́заем молитву./ Тех ра́ди
гнева Твоего изми́ ны.**

**Ныне позна́хом, Господи, яко восхотел еси
нас,/ и никакоже покрыл еси под землю с согре-
шении лю́тыми/ многосогреши́вша./ Тем Тя
благодарно славим.**

Повелеваеши колебаться основанием земли,/

яко да мы престанем, смиреннии, колебаться/
добродетелей лучшаго стояния/ и страхом Тво-
им, Слове, утвердимся.

Богородичен:

Святая Богоневесто, недоумённые ныне люди
ущёдри/ и ма́терними Твоими молитвами,/ еже
на ны Божие негодова́ние претвори вскоре, мо́-
лим Тя.

Ин

Ирмос: Пожру́ Ти со гласом хваления, Господи,/ Цер-
ковь вопиёт Ти,/ от бесовския крове очи́шшися,/ ради
милости от ребр Твоих/ истекшею Кровию.

Согласно сошедшеся, поём славную и свето-
но́сную твою память,/ и чудес полную,/ и дарова-
ний Святаго и Честна́го, всеблаженне, Ду́ха.

Разрешí моя плени́цы согрешений молитвами
твоими,/ яко бо непобедим мученик дерзновение
имаши ко Владыце,/ и буди ми прибежище и
покров, Димитрие.

Богородичен:

Чíсту Тя посреде́ терния обрёт, яко чистей-
ший крин/ и удо́льный цвет, о Богомати!/ Же-
них во утробу Твою Слово вселися.

Ин

Ирмос: Очисти мя, Спа́се,/ мно́га бо беззакония моя,/ и
из глубины́ зол возведí, молюся;/ к Тебе бо возопíх, и
услыши мя,/ Боже спасения моего.

Процвел еси духовно, якоже ма́слина
плодовита́я,/ и копиеносными рука́ми ну́жно
изгнетёся./ Верных же утеша́еши,/ миро ныне
точа́ из Божественнаго гроба твоего, Димитрие.

Пчелы́ образом тебе сама́го/ делателя всякия
показал еси Боготворныя добродетели,/ ду́шу,
блаженне, непорочну, яко со́тову телеси́,
соблюдая,/ и миро ныне источаеши, усладя́-
ющее ду́ши.

Возлюбил еси от души́ Христа,/ и Сему́ после-
довал еси к миру благовония,/ и Сего причастил-
ся еси срастворением лучшим./ И ныне мира
стру́и то́чиши непреста́нные, Димитрие.

Ка́пли страдальческих на землю кровей твоих
каплюще,/ благовония источник мира ту́ю
соделаша./ И ныне сие непрестанно/ почерпа́-
ющим источа́еши, Димитрие.

Пóтом твоих, мудре, кровей облиян, / якоже ин
новый источник речно, / требующим богато по-
даеши во исцеление твое миро, / блаженне,
усердно приходящим.

Богородичен:

Зряще златовидный света Свещник
неугасимый, / множеством грехов души омрачив-
шии, приступим; / даёт бо просвещение / и всякое
отгоняет омрачение.

Кондак мученика, глас 2:

Кровей твоих струями, Димитрие, / Церковь
Бог обагри, / давший тебе крепость непобедимую /
и соблюдая град твой невредим; / того бо еси
утверждение.

Икос:

Сего великаго вси воспойм, сошедшеся
верую, / яко оружника Христова и мученика,
Димитрия, / в песнях и пениях совзывающе Вла-
дыце и Зиждителю вселенных: / избави ны труса
и нужды, Человеколюбче, / молитвами Богороди-
цы и всех святых мучеников Твоих. / На Тя бо
вси надеемся избавитися бед и скорбей, / Ты бо
еси наше утверждение.

Песнь 7

Ирмос: Росодательну убо пещь / содела Ангел / препо-
добным отроком, / халдеи же опаляющее веление Божие
мучителя увещая вопити: / благословен еси, Боже отец
наших.

Препёт еси, Господи Долготерпеливе, / яко не
уморил еси рабов Твоих трусом и колебанием
страшным земли, / но утрашил еси, ищай обра-
титься от зол, и жити всем нам.

Стенание от сердца воспустим и слёзы
пролием, / яко да милостива Владыку обрящем
Христа, / сокрушити трусом вся ны за умножение
грехов претяща нам.

Увы, воззовем, и рuce воспротрём к Богу
Высочайшему, / и престанем прочее творити
злое; / се Спас, негодую, колеблет всю землю,
утвердити хотя ны.

Богородичен:

Призри, Чистая, и спаси вся поющая Тя, /
потребитися имущия во гневе Божии, / и яростию

великою и страшною ныне нашедшаго
прещёния, / за множества многих грехов наших.

Ин

Ирмос: В пещи Авраамстии отроцы персидстей, / любви
благочестия паче, / нежели пламенем опаляеми,
взываху: / благословен еси в храме славы Твоея, Господи.

Преукрашен Божественною славою и
благодатию, / мучениче страстотерпче, сияеши
световидно и просвещаеши зовущия: / благосло-
вен еси в храме славы Твоея, Господи.

Яко багрянницею, украшен твоею кровию, имея
вместо скиптра, славне, крест; / со Христом цар-
ствуеши ныне, мучениче Димитрие, / благословен
еси, зовый, в храме славы Твоея, Господи.

Богородичен:

Препрославленная, Просвещенная, Мати
Дево, / вся, чтущия Тя Всеистинную Богородицу,
оградй; / благословена Ты в женах, Всенепороч-
ная Владычице.

Ин

Ирмос: Отроцы еврейстии в пещи / попраша пламень
дерзновенно, / и на росу огонь преложиха, вопиюще: /
благословен еси, Господи Боже, во веки.

Воду почерпсти Исаия жаждущим, Димитрие,
предповелевает. / Аще бы видел твой гроб, воз-
пил бы всяко: / мира источнику приходите и
почерпите спасение.

Земли убо пород был еси, / вселился же еси в
земли кротких, / идеже вода сладости; / еяже
напився в сытость, / мира источник присный
ныне, Димитрие, проливаеши.

Возраст еси, яко розга в винограде, / пребы-
вая неотсечен Богу и совокуплен; / и Сего испол-
нився тука неизреченнаго, / миро, яко струй,
всем ныне, Димитрие, точиши.

О, новых твоих борений! О, странных мучени-
ческих страданий! / твоя бо поты, за Него проли-
янные, блаженне, / Христос приим, источник ми-
ра ты показует.

Струю мира твоего проливая, / велию пучину
простерл еси чудес, / и душ, и телес недуги
потопляеши, / и напастей, Димитрие, всяку бурю
успоюя.

Богородичен:

Млеком питала еси, Дево, / Плотно́сца, Тво-
его Бога рожденнаго, / яко да болезнь Адамову
сущую во а́де облегчи́т, / от древа снѣдша зна-
ния, и заповеди преслу́шавша.

Песнь 8

Ирмос: Из пламене преподобным рóсу источил еси / и
праведнаго жертву водою попалил еси; / вся бо твориши,
Христе, токмо еже хотѣти. / Тя превозносим во вся веки.

Праведному Твоему сему́ гневу, Человеко-
любче, / нашедшу внезапно, смуті́хомся / и
отчаянием всеконечным объ́яхомся, / негодова́вша
на ны зряще Тебе.

Возпрострѣм рúки, вернии, / и óчи к Единому
Владыце, спасати могущему, зовуще: / Христе,
ярость Твою отврати от нас вскоре, / Человеко-
любец сый.

Ты́сящи Ангел, мучеников сословие, / пророк
и апостолов, преподобных, иерархов святы́й
лик / мо́лит Тя, Владыко: / пощади́ люди Твоя
смирѣнныя.

Вѣдый, Ще́дре, нѣмощь нашу, / и удобопопол-
зновенное всех и неисправленное, / ослаби гнев,
и смущение ути́ши, / Твоею милостию ущѣдри
мир.

Богородичен:

Милостивая Богородице, / Милостиваго
рождшая Спаса, / виждь озлоблѣние и стенание
людей Твоих, / и ускори́ умоли́ти, еже ущѣдрити
ны.

Ин

Ирмос: Ру́це распростер Дани́л, / львов зия́ния в рóве
затче: / о́гненную же силу угаси́ша, добродетелию
препо́ясавшеса, / благочестия рачи́тели / óтроцы,
взывающе: / благословите вся дела Господня Господа.

Омрачи́л еси весь вражий гнев, славне, / и,
борѣния неотъемлемою силою Христа облечѣн / и
победоносец быв, мучениче Димитрие, вопиял
еси: / благословите вся дела Господня Господа.

Мучеников благостояние показав, / мучеников
благозвание, мучениче, наследовал еси; / банею
омывся святою, / яже вторыми не оскверняется
греховными при́логи, / копие́м прободáем, и

зовый: / благословите вся дела Господня Господа.

Чудес твоих множество, паче ума дарований, / ихже тебе подаде Христос, всем показует, славне, / и благодать исцелений, яже паче слова, / яже твою благодать проповедает нам, вопиющим: / благословите вся дела Господня Господа.

Богородичен:

Едину во всех родех, Деву Матерь и Богородицу Чистую, песнословим: / Та бо спасения нашего Ходатаица, / яко мира Избавителя, Слово рождающая, Емуже вопием: / благословите вся дела Господня Господа.

Ин

Ирмос: Седмерицею пещь / халдейский мучитель, / Богочестивым неистовно разжже, / силою же лучшею, спасены сия виде, / Творцу и Избавителю вопияше: / отроцы, благословите, / священницы, воспойте, / людие, превознесите во вся веки.

Да Бог явленна / сотворит тя сущим в мире, Димитрие, / негасиму свещу душевную сохраниша, / елеем деяний умащену всегда, / и, яко чертога, тебе отверзашася двери, / приснотекущ источник тя мира Божественнаго показует, / возмездие чистоты сию даи благодать.

Не из кровей, якоже рече честное Евангелие, / ниже из похоти плоти, Димитрие, / Богом же родился еси, / Воплощеннаго почитая Бога; / кровь же усердно Того ради твою истощив, / восприял еси свыше чудесную благодать, / источаеши Божественное миро, души благоухаяй.

Ты лествица явился еси одушевленная, / на земли убо утвержденная стопами плоти, / до Небес же досягающая; / Богом бо обогатился еси, утвержденным, мучениче, в тебе. / Столп же явился, / помазан елеем подвигов мучения, / и ныне источаеши / верою приступающим источник Божественнаго мира.

Тя реку прописав Божию наводнену, / поя Давид пророчески, Димитрие; / се бо неистощаемо прихождение мира твоего. / Тем и множество рек,

наводняющеся, / гл́асы своя возвышают, / руками же плéщут / в славу с́ими всеми прославльшаго тя Бога.

Господь Един Трисвятѣй, / Ты, Боже Всемощнейше, Егоже Богосл́овствуяй страдалец Димитрий в темни́це заключается, / и с скорпи́ею чувственною зми́я уморив мысленнаго, / и гордыню Ли́еву низложив чрез Нестора Божественнаго, / копие́м прободáется, / и миро ныне из гроба тóчит.

Богородичен:

За Адама—Господь, за Еву—Ты, Всечистая, / Гавриил же—за льстивнаго зми́я, / Крест же—за древо, вертоград гроба—вместо Едэ́ма, / радуйся—вместо печали, / копие́—вместо пла́меннаго оружия, / и багряни́ца—вместо смоковнаго ли́ствия: / Тя убо поем, Отрокови́це, яко всех вино́вну.

Песнь 9

Ирмос: Бога / человеком невозможно видети, / на Негоже не сме́ют ч́ини Ангельстии взира́ти: / Тобою бо, Всечистая, явися человеком / Слово Воплощенно, / Егоже величающе, / с Небесными во́и, / Тя ублажаем.

Се вси мы согрешихом, / и страшно убо земля, не согре́шиши, мучится; / наказуя бо нас, Человеколюбец всю тую коле́блет; / при́йдем чувство / и о спасении своем попеце́мся.

Часо́в и лет сый Господь, / в едином мгновении о́ка восхотев стéрти рабы́ Твоя, / от многаго же благоутробия Твоего, Владыко, возбрані́лся еси. / Благодарим Тебе, безответнии мы, / Едине Человеколюбче.

Тру́са, мечá, горькаго пленения, / и языческаго, Христе, нашествия, / паде́ния, и гла́да, па́губы, и озлобле́ния всякаго ина́го, Щедре, / избави град Твой и всяку страну́, / верно песносл́овящую Тя.

Земля́ безъязы́чне вопи́ет, стени́щи: / почто́ мя злыми оскверняете многими, вси человецы? / вас бо Влады́ка щадя́, / едину менé уязвля́ет. / Прии́мите чувство и пока́нием Бога умі́лостивите.

Богородичен:

Тли в рождестве не приѣмши, / тления, Дево, измени вся ны, / и труса тяжчайшаго, и скорби, / утоляючи Владычнее негодование / Твоим матерним пременением, Богорадованная.

Ин

Ирмос: Камень нерукосечный / от несекомыя горы, Тебе, Дево, / краеугольный отсечеса, / Христос, совокупный разстоящаяся естества; / тем, веселящеса, Тя, Богородице, величаем.

Раздери узы прегрешений ты поющих, стратотерпче, / устави страстей прилоги, / молву разори ересей / и напастей утиши бурю молитвами твоими.

Направи к стезям правым Небеснаго Царствия / священнейшую твою паству, венчосче мучениче Димитрие, / на пажить спасительную, на место вечное.

Да венцев славы и Небеснаго Царствия получения / поющим ты сего улучити моли, мучениче Димитрие, / Жизнодавца Господа и Царя Сил.

Богородичен:

Яко корень, источник и вину нетления Ты, Дево, / вси вернии, надеющеса, хвалами почитаем; / Ты бо Ипостасное нам Безсмертие источила еси.

Ин

Ирмос: Ужасеса о сем Небо / и земли удившася концы, / яко Бог явися человеком плотски, / и чрево Твое бысть пространнейшее Небес; / тем Ты, Богородицу, / Ангелов и человек чиновачалия величают.

Прием твой алавастр душевный, добродетелей Божественнаго мира исполнен, / имея же Христа, преклонша тебе, мучениче, главу, / яко упоковшася жития твоего светлостью чистоты. / Тем ублажился еси и благодати исполнился еси, мироточити мира концем.

Се ожидающих ты воздаяний неизреченных светлая проображения, / се источник мира прискотекущаго, о страдальче! / Богу убо предстои со дерзновением мученическим, / воинству нашему испроси на враги победу, / и мир стране неотъемлем.

Образом Креста Победотворца / победил еси Лиєво суровство, / и победителя Нестора, и со-страдальца поста́вив; / и ныне всяк язык ва́рварский рабо́тен покорí православным, / соде́йствуя, сво́инства, укрепляя, / велича́яй земныя концы́ Димитрие.

Тéплою от сердца любовью / к твоему честнóму ковчегу прибегающия, мучениче Христов, / миро проливающему река́ми, / твоими молитвами избави дел душетленных / и потóпа страстéй злосмра́дия; / обоняния же покажи́ сия Господу благово́ннейша.

День радости духовныя совершаем, Димитрие, / видяще мира твоего непрестанно то́чащ источник. / Ты же страстéй омрачение разоря́я, / яко Божественнаго исполнен света, / яко во дне дава́й ходи́ти благообра́зно, / Божий же ви́дети Свет непреступный.

Богородичен:

Ты, Всечистая, златая голуби́ца еси, / яко суче́ц ма́сличный, носящая Слово Божие, / помазавшее плоть Свою елеем Божества́. / Егоже в се́рдцы, яко ковчег, прие́м страдалец, / из гроба миро то́чит, и умащает верных ли́ца.

Светилен.

Подобен: Свете неизме́нный:

Крестом вооружил еси Нестора, / чрез о́наго Лиєву разорив гордыню, Димитрие, / на трі́зници, якоже Христос, отверзаеши копие́м ре́бра твоя, / и́миже стадо твое храни.

Слава, и ныне:

Господи, призира́яй на землю с небесе́ / и творя́й всю трясти́ся, / избави ны от тру́са Богородицы молитвами, / Ю́же даровал еси христи́аном Предста́тельницу.

**На хвалитех стихиры мученика, на 6,
глас 4.**

Подобен: Яко до́бля:

Прободён быв, борца́ твоими ко́пиями уязвил еси / и ме́ртва сотворил еси, и неде́йственна, / егоже зло́бы, Димитрие, нас избави, / крѣпки на стра́сти му́чащия всегда содева́я священными

твоими молитвами, / Божественным страхом умиляя сердца / и души наша, святе.

Реку́ ты, исполнену вод духовных, ведяще, святе, / молим, истаявшия души наша страстей преступленьми / милостию твоею мною священо ороси, / и омой сущия в скверне, / и премногих избави бед и вечнаго мучения.

Яко звезда светлейшая, на земли показался еси, / чудес сияньми подсолнечную просвещаети всегда, **Димитрие** славне, / мглы омрачения отгоня молитвами твоими душ наших, / и недуги исцели от любви совершающих твою память, / слава мучеников и похвала.

Ины стихиры, глас 5.

Подобен: Радуйся, постников:

Прииди́, мучениче **Христов**, к нам, / твоего требующим милостивнаго посещения, / и избави озлобленны мучительскими прещении и лютаго неистовства еретическаго. / От нихже, яко пленницы и нази, гоними есмь, / от места на место часто переходяще, и заблуждающе в вертепех и горах. / Ущедри убо, прехвальне, и даждь нам ослабу, / утоли бурю и угаси, еже на ны, негодование, / Бога моля, подающаго миру велию милость.

Стена́ твердая нам, / пленения вражия не убоявся, дан еси, / варварская нашествия упражня и недуги утоляя, / степень неразрушимый, и основание неборимое, / и градодержец, населитель и поборник был еси твоему граду, **Димитрие**; / егоже и ныне, всеблаженне, люте бедствующаго и обтяженна окаянне, / твоими молитвами спаси, / Христа моля, подающаго миру велию милость.

Всяку добродетель восприим, страсготерпческий лик явися, / отонудуже нетленные и блаженныя жизни наслаждение достойне наследова. / В немже досточудне украшаем, **Димитрие**, / и подражанием **Христовым** почитаяся, / и хваляся равенством копия, / проси прилежнее / нас, почитающих тя, избавити от страстей и лютых обстояний, / тепле моля Подающаго миру велию милость.

Слава, глас 4.

Самогласен. Андрея Иеросолимита:

Копиями наследовавшего Спасовых ребр
 благодать, / прободенных копием, / из нихже нам
 источает Спас жизни и нетления воды, / Димитрия
 почтём, премудраго во учениих и венечника
 в мученицех, / кровию скончавшаго страдания
 течение / и чудесы просиявша всей вселенней, /
 ревнителя Владычня и милостива нищелюбца, /
 во многих и многгаци бедях лютых фессалоняном
 предстателя. / Егоже и летнюю память
 почитающе, / славим Христа Бога, / действующа
 его ради всем исцеления.

И ныне, Богородичен:

Избави ны от нужд наших, Мати Христа
 Бога, / рождшая всех Творца, / да вси зовём Ти: /
 радуйся, едино Предстательство душ наших.

Славословие великое. И отпуст.

На Литургии: Блаженны от канона трясения, песнь 3-я, на
 4: и святого песнь 6-я, на 4. Прокимен, глас 6: Спаси,
 Господи, люди Твоя и благослови достояние Твое. Стих:
 К Тебе, Господи, воззову, Боже мой: И святого, глас 7:
 Возвеселится праведник о Господе и уповает на Него.
 Апостол трясения, к Евреям, зачало 331, от полу. Братие,
 егоже любит Господь, наказует: И святого Апостол, к
 Тимофею, зачало 292. Аллилуиа, глас 4: Боже, отринул ны
 еси: Стих: Стрясл еси землю и смутил еси ю. И святого:
 Праведник, яко финикс, процветет: Евангелие трясения,
 Матфея зачало 27. И святого, Иоанна, зачало 52. Причастен:
 Хвалите Господа с небес: Другий: В память вечную:

зри Подобаает ведати: Аще случится великомученика Димитрия
 Солунскаго и трясения в неделю.

В субботу вечера на малой вечерни стихиры воскресны и
 Богородицы по обычаю. На велицей вечерни по обычной
 кафизме на Господи, возвах: стихиры воскресны 3, и
 трясения 3 (писаны на велицей вечерни, на стиховне), и
 Димитрия 4. Слава, Димитрия; И ныне, Богородичен 1-й,
 гласа. Прокимен дне. Чтения 3. На литии стихира храма и
 самогласны стихиры святого. Слава, святого; И ныне, Богороди-
 чен. На стиховне стихиры воскресны; Слава, Димитрия; И
 ныне, Богородичен по гласу святого. На благословении хлебов
 тропарь: Богородице Дево: дважды и Димитрия, единожды.
 (Аще же несть бдения. По Отче наш: тропарь воскресен:
 Слава, Димитрия; И ныне, трясения. На повечерии по Достой-
 не и по Трисвятом, кондак Димитрия: Слава, и ныне,
 трясения.)

На утрени: На **Бог Господь**: тропарь, воскресен, дважды; Слава, Димитрия; И ныне, трясения. По кафизмах седальны воскресны и Богородичны их. Таже полиелей. И тропари, **Ангельский собор**: Ипакои гласа; И седальны Димитрия, оба по единожды без Богородичнов; Слава, седален, иже по полиелеи; И ныне, Богородичен его. Степенна и прокимен гласа. Евангелие воскресно. **Воскресение Христово**: Псалом 50, стихира воскресна. Канон воскресен со ирмосом на 4, и трясения на 4, и Димитрия на 6. Катавасия: **Отверзу уста моя**: По 3-й песни кондак Димитрия, и икос, и седален. По 6-й песни кондак и икос воскресен. Светилен воскресен, Слава, святаго: И ныне, трясения. На хвалитех стихиры воскресны 4, и Димитрия со славным 4, с припевы его. Слава, стихира Евангельская: И ныне, **Преблагословенна еси**: Славословие великое. По Трисвятом тропарь воскресен точию. Ектении, и отпущ, и час 1. На 1-м часе тропарь воскресен; Слава, трясения; И ныне, Богородичен часов. По **Отче наш**: кондак трясения. Сице и на прочих часех тропари и кондаки, прменяюще, глаголем точию воскресен тропарь непременно.

На Литургии: Блаженны гласа на 4 и трясения песнь 3, на 4, и Димитрия песнь 6, на 4. По входе тропарь воскресен, и трясения, и храма Богородицы, аще есть, и Димитрия. Таже кондак воскресен и трясения. Слава, Димитрия; И ныне, Богородицы. Аще же несть храма Богородицы, и ныне, трясения. Прокимен трясения и святаго. Апостол трясения и Димитрия. Аллилуиа, глас 4: **Боже, отринул ны еси**. Стих: **Стрясл еси землю**: И святаго: **Праведник, яко финикс, процветет**: Евангелие трясения и Димитрия. Причастен: **Хвалите Господа с небес**: И святаго: **В память вечную**: Ряд же Апостол и Евангелие чтем под зачало.

В
ТОЙЖЕ
ДЕНЬ



**Преподобнаго Феóфила,
архиепископа Новгородскаго,
в Дальних пещерах почивающаго**

Тропарь, глас 4:

Правило веры, и образ кротости, / и воздержания известный учитель Христову стаду воистину был еси, / уча е выну смирению, / не мудрствовать еже высокая, / сего ради стяжал, яже желаше, / отче святителю Феóфиле, / моли Христа Бога спастися душам нашим.

Кондак, глас 4:

Яко воистинну по имени своему ты, / Боголюбезне святителю Феóфиле и преподобне,

соблюдши, / явися тебе Христос Спас, / обещая ти
Живот и Царствие Свое, / в немже, днесь ликуя,
не забуди нас, рабов твоих.



В
ТОЙЖЕ
ДЕНЬ

Святителя Антония Вологодскаго

Тропарь, глас 4:

Иже от юности, Богомудре, возследую
Христу, / во бдениих и в пощениих пребывая, / и
паству, от Бога дарованную ти, добре пасый, / и
учений Божественных исполняя, и в жизненный
путь наставляя: / отнюду же и архиерейства
саном почтеса, / Церковь и люди возвеселил еси; /
и по преставлении своем чудес лучи
испускаеши, / недугом с верою приходящим к тебе
исцеление подавая, / и слепу младенцу свет дарова, /
угодниче Христов, святителю Антоние, / пред-
стоя Престолу Христову с лики Ангельскими, / с
ними же моли Его о нас, притекающих к тебе /
получити от него оставление грехов и велию
милость.

Кондак, глас 8:

Возвеселися Христова Честная Церковь, / при-
имши тя в недра своя пастыря и учителя; / мы
же, вернии людие, прославляем Подавшего ти
благодать неоскудну, / яже твориши преславная
чудеса. / Тем, святителю, не престай моля Христа,
Емуже угодил еси, / о нас хвалящих и чтущих тя,
к тебе притекающих, / подати милость zde и в
день Судный, да зовем ти: / радуйся, святителю
Антоние, граду нашему похвала и утверждение.

